

**SO DOMINICA II. 97**

post Pascha, Misericordia do-  
mini .I. Petri. II.

**Charissimi, Christus passus est pro nobis, uobis relinquens exemplum, ut sequamini uestigia eius. Et reliqua.**

**F**ratres charissimi, in lectione apostolica quam audistis, beatus Petrus Christi nos imitari exempla admonet, dicens: Christus passus est pro nobis, uobis relinquens exemplum, ut sequamini uestigia eius. Id est, quod ipse dominus ait in euangelio: Si quis uult post me uenire, abneget semetipsum, id est, uoluntates proprias relinquat, & dei se omnimodis subiiciat uoluntati, & tollat crucem suam, id est, carnales mortificet delectationes, & sequatur me, mundi desiderijs repugnet, quantum ualeat diuina gratia largiente. His enim modis, & talibus his similibus moribus sanctis, Christi debemus uestigia sequi, qui peccatum non fecit, nec inuentus est dolus in ore eius, ut de ipso prophetam ait. Solus enim sine peccato, qui peccata mundi tollere uenit. Et alibi: Nunc tendit, neque clamauit, neque audiuit quis in plateis uocem eius. Sequitur: Qui, cum malediceretur, non maledicebat. Subdolum & mendacium, nec detractio inuenta est in ore eius. Nos ergo si uolumus Christi imitari exempla, haec eadem mala omni studio uitare debemus. Omnem dolum & odium, omnemque malitiam & simulationes, & inuidias atque detractioes deponere, & in bonis operibus certamen magnum habere, Christo domino famulari. Cum pateretur,

non cōminabatur. Iniuriæ uindictam non prō-  
 misit, sed etiā pro suis crucifixoribus exorauit, ut nos  
 sibi docuit dicens: Orate pro persecuentibus & ca-  
lumniantibus uos, ut sitis filij patris uestri qui in cæ-  
lis est. Tradebat autem iudicāti se iniuste. Per  
 diuinitatem tradidit humanitatem, quam assumpsit  
 ad passionem, iudicanti se populo Iudaico ut crucifi-  
 geretur. Si enim ipse q̄ sine peccato erat, propter pec-  
 cata nostra, ut nos redimeret à morte, se tradidit, qd̄  
 retribuere condignum eius misericordiæ possumus,  
 nisi tantum ut nos pura confessione & penitentia la-  
 chrymis, eleemosynarum largitate operibusq̄ mise-  
 ricordia & pietatis, ad eius nos semper uoluntatem  
 præparemus fideliter, ut dignis & sanctis moribus  
 æterna cū eo gaudia possidere ualeamus. Qui pec-  
cata nostra ipse pertulit in corpore suo super  
lignum. Ad hoc enim in ligno crucis pati uoluit, ut  
 ligni prauaricationem, quam Adam fecerat, deleteret,  
 & iter nobis ad regnum cælorum, quod p̄ peccatū Adæ  
 mundo clausum fuerat, aperiret. ut peccatis mor-  
tui, iustitiæ uiuamus, cuius linore sanati su-  
mus. Ut sicut antea p̄ peccatū deo mortui eramus,  
 ita & nunc per passionem & resurrectionem eius ad  
 immortalitatem æternam perduceret, & deo nos pa-  
 tri suo reconciliaret, nobisq̄ potestatem tribue-  
 ret mundo mori posse & peccatis omnibus per con-  
 fessionem, & per iustitiā uiuere deo. Eratis enim  
sicut oues errantes. Error ouium culpa pastorū  
 esse intelligitur, qui negligunt corripere delinquentes,  
sed conuersi estis nunc ad pastorem & epi-  
scopum animarum uestrarum. Conuersi à dia-  
 bolo ad Christum, de tenebris ad lucē, de morte ad

uiram, de infidelitate ad fidem, de infirmitate ad salutem: in qua si permanseritis usq; in finem, bonis certando operibus, salui eritis in æternum. Non enim q̄ cœperit bonum, sed qui perseverauerit in bono, hic saluus erit. Tunc enim placet deo nostra conuersio, quando bonum quod inchoamus, perseveranti sine complemus. Bonum ergo non cœpisse, sed perfecisse uirtus est. Nam inchoantibus præmium promittitur, sed perseverantibus datur, per eum qui promisit, qui est uerus promissor & largitor Iesus Christus dñs noster. Qui uiuit & regnat cū patre & spiritu sancto deus per omnia secula seculorum, Amen.

**DOMINICA II.**

post Pascha, Misericordia domini. Iohannis .X.

Iohannis .X.

**In illo tempore dixit Iesus discipulis suis: Ego sum pastor bonus, & reliqua.**



**S**uperius textus euangelij narrat, qualiter dñs inter bonos malosq; pastores discretionē fecerit, dicēs de malis: Qui nō intrat p̄ ostiū in ouile ouiuū, sed ascendit aliunde, ille Joh̄an. 10.1 fur ē & latro. De bonis aut̄: Qui intrat p̄ ostiū, pastor ē ouiuū. Huic ostiarius aperit, & oues uocem eius audiūt.

Alienum autē non sequuntur, sed fugiunt ab eo, quia